

Jafnréttisáætlun Grunnskólans á Hól mavík

Jafnréttisáætlun skóla byggir á lögum um jafna stöðu og jafnan rétt kvenna og karla nr. 10 frá 2008 og jafnréttisáætlun sveitarfélagsins. Jafnréttisstefnan á við um nemendur, foreldra og starfsfólk skólans og á að tryggja að jafnrétti nái til allra í skólasamfélaginu. Sem vinnustaður þarf skóli, með 25 starfsmenn eða fleiri, að gera áætlun um hvernig starfsmönnum eru tryggð þau réttindi sem kveðið er á um í 19.–22. gr. laganna. Sem menntastofnun þarf skólinn, óháð starfsmannafjölda, að uppfylla 22. og 23.gr. laganna sem snúa að nemendum.

Markmið

Markmið jafnréttisáætlunar skóla er að jafna stöðu kynja á vinnustaðnum og í skólanum sem menntastofnun nemenda. Til að framkvæma jafnréttisstefnu skólans er sett fram verkefnastýrð jafnréttisáætlun með markmiðum, aðgerðum, ábyrgð og tímaramma.

Grunnskólinn á Hól mavík setur sér einnig háleit markmið til að tryggja jafnrétti óháð aldri, búsetu, fötlun, kyni, kynhneigð, litahætti, lífsskoðunum, menningu, stétt, trúarbrögðum, tungumáli, ætterni og þjóðerni eða öðru því sem getur orsakað mismunun.

Markmið jafnréttismenntunar er að skapa tækifæri fyrir alla til að þrskast á eigin forsendum, rækta hæfileika sína og lífa ábyrgu lífi í frjálsu samfélagi í anda skilnings, friðar, umburðarlyndis, víðsýnis og jafnréttis. Í skólastarfi skulu allir taka virkan þátt í að skapa samfélag jafnréttis og réttlætis (Aðalnámskrár leik,- grunn og framhaldsskóla, 2011).

Ábyrgð

Skólastjóri ber ábyrgð á að jafnréttisáætlun sé gerð í samræmi við lög og reglur og hún uppfærð samkvæmt lögum á þriggja ára fresti. Skólastjóri og deildarstjóri bera ábyrgð á að unnið sé samkvæmt aðalnámskrám leik- og grunnskóla í öllu starfi skólans. Jafnréttisfulltrúar skólans vinna með skólastjórnendum að útfærslum á vinnu með jafnrétti.

Jafnréttisfulltrúar

Tveir jafnréttisfulltrúar eru kosnir úr hópi starfsmanna við skólann en hlutverk þeirra er að gæta þess í samráði við skólastjórnendur að jafnréttislögum sé fylgt en einnig að vinna að útfærslu hugmynda um vinnu með jafnréttishugtakið í skólastarfinu og fá fólk í lið með sér.

Starfsfólk

19. gr. Launajafnrétti

Konum og körlum er starfa í skólanum skulu greidd jöfn laun og skulu njóta sömu kjara fyrir jafnverðmæt og sambærileg störf. Með jöfnum launum er átt við að laun skulu ákveðin á sama hátt fyrir konur og karla. Skulu þau viðmið sem lögð eru til grundvallar launaákvörðun ekki fela í sér kynjamismun. Starfsmönnum skal ávallt heimilt að skýra frá launakjörum sínum ef þeir kjósa svo.

Markmið	Aðgerðir	Ábyrgð	Tímarammi
Starfsfólk af hvaða kyni sem er skal fá sömu laun og njóta sömu kjara fyrir sömu eða jafnverðmæt störf.	Marka stefnu í jafnlaunamálum.	Stjórnendur	Haust 2019
	Greina laun og fríðindi starfsfólks til að kanna hvort um kynbundinn launamun er að ræða.	Stjórnendur/ Launafulltrúi	Haust 2019
Starfsfólk af hvaða kyni sem er skal hafa jafna möguleika á launuðum viðbótarstörfum innan skólans.	Leiðréttu launin ef fram kemur óútskýranlegur munur á launum ólíkra kynja.	Stjórnendur/ Launafulltrúi	Haust 2019
	Jafnlaunavottun	Sveitarfél./Skólastjóri	
Þess skal gætt að í skólanum ríki jafnlaunastefna.	Tveir jafnréttisfulltrúar verði kosnir úr hópi starfsmanna.	Skólastjóri	Haust 2019

20. gr. Laus störf, starfsþjálfun, endurmenntun og símenntun

Starf sem laust er til umsóknar skal standa opið jafnt konum og körlum.

Atvinnurekendur skulu gera nauðsynlegar ráðstafanir til að tryggja að konur og karlar njóti sömu möguleika til endurmenntunar, símenntunar og starfsþjálfunar og til að sækja námskeið sem haldin eru til að auka hæfni í starfi eða til undirbúnings fyrir önnur störf.

Einungis skal gera undantekningar um aðgengi karla og kvenna að störfum sé til þess ætlast að viðkomandi starfsmaður sinni þaðvörslu.

Markmið	Aðgerðir	Ábyrgð	Tímarammi
Að tryggja að laus störf standi opin til umsókna fyrir fólk af hvaða kyni sem er.	Störf í skólanum skulu auglýst þannig að auglýsingin höfði til einstaklinga af öllum kynjum. Velja skal þann umsækjanda sem hæfastur er til starfsins á grundvelli menntunar og reynslu.	Skólastjóri/ jafnréttisfulltrúi	Apríl eða hvenær sem þarf að auglýsa
Að jafna kynjahlutfallið í starfsmannahópnum.	Þegar ráðið er í ný störf og valið stendur á milli jafn hæfra einstaklinga af ólíku kyni skal ráða einstakling af því kyni sem er í minnihluta.		
	Stjórnendur skólans skulu		

<p>Að allt starfsfólk skóla njóti sömu möguleika til endurmenntunar.</p>	<p>tryggja að allt starfsfólk njóti sömu möguleika til endurmenntunar og starfsþjálfunar.</p> <p>Við gerð símenntunaráætlunar sé þess gætt að tilboð séu við hæfi allra.</p> <p>Allt starfsfólk eru hvatt til þess að sækja námskeið eða aðra endurmenntun sem nýtist þeim í starfi.</p>		
--	--	--	--

21. gr. Samræming fjölskyldu- og atvinnulífs

Atvinnurekendur skulu gera nauðsynlegar ráðstafanir til að gera konum og körlum kleift að samræma starfsskyldur sínar og ábyrgð gagnvart fjölskyldu. Ráðstafanir þær skulu m.a. miða að því að auka sveigjanleika í skipulagningu á vinnu og vinnutíma þannig að bæði sé tekið tillit til fjölskylduaðstæðna starfsmanna og þarfa atvinnulífs, þar með talið að starfsmönnum sé auðveldað að koma aftur til starfa eftir fæðingar- og foreldraorlof eða leyfi úr vinnu vegna óviðráðanlegra og brýnna fjölskylduaðstæðna.

Markmið	Aðgerðir	Ábyrgð	Tímarammi
<p>Skólinn sé fjölskylduvænn vinnustaður sem leggur áherslu á jafnvægi milli vinnu og einkalífs.</p> <p>Starfsfólk er hvatt til að sinna sameiginlegum skyldum sem foreldrar ef tveir aðilar eru í sambúð t.d. foreldraviðtölum skóla, töku fæðingarorlofs ofl.</p>	<p>Starfsfólk skal eiga kost á hlutastörfum og sveigjanlegum vinnutíma eftir því sem aðstæður leyfa.</p> <p>Gæta skal að vinnuramma og vinna hann í samráði við starfsfólk eins og auðið er.</p> <p>Starfsfólk skal ganga að störfum sínum að afloknum veikinda- eða foreldraleyfum eins og kveðið er á um í kjarasamningum.</p> <p>Starfsfólki skal gert kleift að minnka við sig vinnu tímabundið vegna fjölskylduábyrgðar.</p>	Skólastjóri	Árlega

Starfsfólk og nemendur

22. gr. Kynbundið ofbeldi, kynbundin áreitni og kynferðisleg áreitni

Atvinnurekendur og yfirmenn stofnana og félagasamtaka skulu gera sérstakar ráðstafanir til að koma í veg fyrir að starfsfólk, nemar og skjólstæðingar verði fyrir kynbundnu ofbeldi, kynbundinni áreitni eða kynferðislegri áreitni á vinnustað, stofnun, í félagsstarfi eða skólum. Ef yfirmaður er kærður vegna ætlaðs kynbundins ofbeldis, ætlaðrar kynbundinnar áreitni eða ætlaðrar kynferðislegrar áreitni verður hann vanhæfur til að taka ákvarðanir í tengslum við starfsskilyrði kæranda á meðan meðferð málsins stendur yfir og skal þá næsti yfirmaður taka slíkar ákvarðanir.

Markmið	Aðgerðir	Ábyrgð	Tíma-rammi
<p>Kynbundið ofbeldi, kynbundin áreitni og kynferðisleg áreitni né annað ofbeldi er ekki liðið. Því eru fyrirbyggjandi aðgerðir og fyrir fram ákveðin viðbrögð nauðsynleg.</p> <p>Starfsfólk sé meðvitað um ábyrgð og færar leiðir ef upp koma tilvik er varða kynbundið ofbeldi, kynbundna áreitni eða kynferðislega áreitni.</p>	<p>Fræðsla um kynbundið ofbeldi, kynbundna áreitni og kynferðislega áreitni og hvers konar mismunun í öllum árgöngum.</p> <p>Fræðsla um kynbundið ofbeldi, kynbundna áreitni, kynferðislega áreitni og hvers konar mismunun og viðbrögð við henni fyrir starfsfólk.</p> <p>Forvarnar- og viðbragðsáætlun verði í samræmi við forvarnar og viðbragðsáætlun sveitarfélags.</p> <p>Telji starfsfólk að jafnrétti sé brotið skulu þau leita til trúnaðarmanns eða stjórnenda til að leita lausna.</p> <p>Innleiðing ýmissa leiða frá Vinnueftirliti um <i>Viðbrögð við einelti, kynferðislegri áreitni, kynbundinni áreitni og ofbeldi</i> https://www.vinnueftirlit.is/vinnuvernd/adbunadur/einelti-areitni-ofbeldi/</p>	<p>Umsjónar-kennarar/jafnréttisfulltrúi</p> <p>Skólastjóri/jafnréttisfulltrúi</p> <p>Sveitarfél./Skólastjóri</p> <p>Skólastjóri</p>	<p>Árlega á öllum stigum.</p> <p>Kynning árlega á starfsdögu m í ágúst.</p>

Nemendur

23. gr. Menntun og skólastarf

Kynjasambættingar skal gætt við alla stefnumótun og áætlanagerð í skóla- og uppeldisstarfi, þar á meðal íþrótt- og tómstundastarfi. Á öllum skólastigum skulu nemendur hljóta fræðslu um jafnréttismál þar sem m.a. skal lögð áhersla á að búa bæði kynin undir jafna þátttöku í samfélaginu, svo sem í fjölskyldu- og atvinnulífi. Kennslu- og námsgögn skulu þannig úr garði gerð að kynjum sé ekki mismunað. Í náms- og starfsfræðslu og við ráðgjöf í skólum skulu piltar og stúlkur óháð kyni hljóta fræðslu og ráðgjöf í tengslum við sömu störf.

Markmið	Aðgerðir	Ábyrgð	Tímarammi
<p>Skólinn leggur ríka áherslu á jákvæð samskipti skólans við nemendur og foreldra og við aðra sem að honum koma á einn eða annan hátt á jafnréttisgrundvelli.</p> <p>Lögð er áhersla á að allt nám búi öll kyn jafnt undir virka þátttöku í samfélaginu, bæði í einkalífi, fjölskyldulífi og atvinnulífi.</p> <p>Allir nemendur skulu hafa sömu tækifæri til náms og möguleika á því að taka þátt í öllu skólastarfi.</p> <p>Í námsráðgjöf og starfsfræðslu fá allir nemendur fræðslu og ráðgjöf í tengslum við sömu störf.</p>	<p>Í skólanum er unnið samkvæmt markmiðum Aðalnámskrár þar sem jafnrétti er einn af grunnþáttum menntunar.</p> <p>Í stefnumótun skólans og allri áætlunargerð skal kynjajafnrétti auk annarra þátta sem geta orsakað mismunun haft að leiðarljósi,</p> <p>Starfsfólk kemur fram við nemendur og hvert annað af virðingu, umhyggju og nærgætni.</p> <p>Öll viðfangsefni skólans eiga að vera þannig að þar ríki jafnræði og jafnrétti til öflunar þekkingar og leikni á fjölbreyttan hátt.</p> <p>Í skólanum er einstaklingsmiðað nám og unnið eftir stefnu um skóla án aðgreiningar.</p> <p>Skoða skal með gagnrýni það námsefni sem sýnir staðlaðar kynjaímyndir eða mismunar á einhvern hátt.</p>	<p>Skólastjóri/ kennarar/allt starfsfólk</p> <p>Allt starfsfólk/jafnréttisfulltrúi</p> <p>Allt starfsfólk</p> <p>Allt starfsfólk/jafnréttisfulltrúi</p>	<p>Komi fram í allri áætlunargerð og námsvísunum.</p>

	<p>Allir nemendur fá sama viðmót og hvatningu í leik og námi.</p> <p>Fræðsla um jafnrétti og mannréttindi er hluti af skyldunámi skólans.</p> <p>Jafnréttisfræðsla fer fram í öllum árgöngum skólans.</p> <p>Jafnréttissjónarmið skulu höfð að leiðarljósi í öllum námsgreinum.</p> <p>Allir nemendur hljóti fræðslu og ráðgjöf varðandi fjölbreytt nám og störf.</p> <p>Telji nemandi að jafnrétti sé brotið, á sér eða öðrum í skólanum skal hann leita til þess sem hann treystir best.</p> <p>Starfsfólk sem verður þess vart að jafnrétti sé brotið á nemanda skal tilkynna það til skólastjóra eða jafnréttisfulltrúa.</p>		
--	--	--	--

Menntun til jafnréttis fjallar um hvernig aldur, búseta, fötlun, kyn, kynhneigð, litarháttur, lífsskoðanir, menning, stétt, trúarbrögð, tungumál, ætterni og þjóðerni geta skapað mismunun eða forréttindi í lífi fólks. Við undirbúning framtíðarstarfsvettvangs er mikilvægt að opna augun fyrir kynskiptum vinnumarkaði og stuðla að því að námsval kynjanna verði minna kynbundið en hingað til. Það varðar miklu að ekki halli á kynin í þeim viðfangsefnum sem nemendur fást við heldur grundvallist þau á jafnræði og jafnrétti (Aðalnámskrá grunnskóla 2011).

Heimili og skóli

Skólinn leggur sig fram um að eiga gott samstarf við heimilin enda er samstarf allra sem að nemanda koma lykilþáttur í þroska og námi. Foreldrar eru alltaf velkomnir í skólann til

samstarfs og þátttöku í skólastarfinu enda bera foreldrar ábyrgð á námi barna sinna í samvinnu við skólann.

Skólinn hvetur alla foreldra jafnt til að sækja foreldraviðtöl og taka þátt í leik og námi barna sinna og öllum foreldrum er ávallt boðið á viðburði á vegum skólans. Þess skal ávallt gætt að foreldrar af ólíku kyni séu jafnt boðuð í viðtöl í skólanum og hvött til að mæta. Foreldrum sem þess þurfa býðst túlkajónusta í viðtölum.

Gildistími: Jafnréttisáætlunin tekur gildi 01.10.2019.

Endurskoðun: Samkvæmt 18. gr. jafnréttislaga skal endurskoða jafnréttisáætlanir á þriggja ára fresti. Næsta endurskoðun er því í október 2022.